

استبصار

نومرو ۲۵

بختابه

۵ مارت ۱۳۲۴

و نهایت مدنیاتك اسباب انقراضی بر صورت مکملده بیان و ایضاح ایله مشدر . .
 کچن نسخه مزده انتشاری بشاریتدی کمز «روح الجماعات» ایسه ، دور حاضرک
 تکاملندن باشیده رق ، صنوف عوامک حیات سیاه و اقتصادییه مداخله لریله بونک
 ناصل وجود بولوب نه کبی نتیجه لره باعث اولدوغنی ، جماعتک حیات اقوامده
 آنجق محرب بر رول اوینادقلری برمدخله خلاصه ایده رک ، جماعتک احوال
 روحیه سی تدقیق ایچون اونلرک سبجایای عمومی و خصوصیه لری ، وحدت
 عقلیه لرینک قانون روحیه سی ، و جماعت علمنده بولونان افرادک شخصیت مدرکله لری
 غائب ایده رک زکالرینک تدیسی ، حسیات و افکارینک تمامیه تحولی . صوکره
 صره سیله اونلرک حسیات ، اخلاق ، اوکار ، محاکماتک و معتقداتک عوامل «
 روحیه سی ، و بوجاماتک مشوق و رهبر لریله اونلرک احوال روحیه و وسائط
 اجراییه لری ، مؤسسات سیاسیه و اجتماعیه ، تحصیل و تربیه اوزمان کبی عوامل
 مختلفه نک تأثیرات و نتایجی مفصلاً ایضاح و تدقیق ایتدکدن صوکره کتابنک
 صوکره بر بختی ده جماعتک تصدیقیله ، جماعت منتخبه و پارله منتولرک تدقیق و مطالعه سته
 حصر ایتمشدر . . .

تفصیلات سابقه دن مستبان اوله جفی اوزره بو اثر نفیسک هر کسه وبالخاصه
 تاریخ ایله اشتغال ایدن ذواته ، علم حقوق منقسمیننه درجه لزومی درکاردر .
 حصه عاجزانه مه اصابت ایدن و وظیفه حلقه تدریسده بولمش اولان ایکی زکی
 کنجک بویه بر اثر مهی ترجمیه ایتدار ایتلرندن متولد انتشار و تقدیریمی بیان
 و اثر مذکور ی عمومی توصیه و اعلاندر .

عینی زاده

۲۸ شباط ۳۲۴

حسن تحسین

تکامل نسوان

قادینلر بزم آمرلر مزدر دیه میز ، بوسوز بلکه کران کلیر فقط فهلون ایله
 برابر دیه بیلیرزکه قادینلر اولمدهن اینی ایش کورمک امکانشدر ، اوی بارقی

بیقان ویا یایان اونلردر حیات عالمه نك بالجمله تفرعاتی تنظیم ایدن و بناء علیه بتون عالم بشریته یقیندن تعلقی اولان هر شیئی قرارلشدیران اونلردر .

« ارککلرک تربیه سی قادینلرک اثری اولدینی ایچون تربیه نسوان تربیه رجالدن دهامه مدر » اشته فهلونك نظریه سی، بتون اثرینک روحی زبده سی بودر . بو اثر قادینلرک لک زیاده صاحب حکم و نفوذ اولدقلری، جمعیته اوروپا نك منظره سی دیکشدره جك درجه لده نازك و دلقرب بر شکل و بردکاری بر زمانده یازلمش ایدی . او یله ایکن فهلون افکار و مطالعاتی حق کوستره بیلمك ایچون « قادینلر حضرت عیسی نك قانی هاسته صا تون آنان بشریتك نصفی تشکیل ایدر ، یوللو بر طاقم نظریات دینی در میانه مجبور اولمش ایدی .

هر حالده فهلونك افکاری کندی عصر نده لایقيله اکلایشله مدینی کبی عصر حاضرده دخی اهامل ایدیلیور . اوروپاده بر جوق ممالك، فرانسه ده بر جوق بلاد و قصبات واردر که فهلونك کتابنده کی حقایقندن کلیاً بی خبردر . مرکز مدنیتده بیله حائز اولدقلری موقعده میدر و بو کون دخی صورت تربیه لری بزم نعمتاشناسلغزه دلالت ایتزمی ؟ صورت تربیه لرینه باقیلورسه قادینلرک انی کوتو فکر و نیتلری تاثیر سنز کبی عد اولونیور ؛ هر یرده ارککلر قادینلری محکوم فلاکت ایدیور ، هر یرده اونلره او یونجاق نظریله باقیلیور . لک تربیه لی افوام قادینلرک فکری تنویر ، روحی اعلا ایلیه جك یرده قادینلرک کیفیت افسانده تحری سعادت ایدیور . قادینلری زیب و زینته لک بیوک بر احتیاج حیات ، کوزللیکه اقدام خصائل نظریله باقعه سوق ایدیور . غریبدر که قادینلرک قلبلری بو وجهله تشویش ، فکر لری بودرجه اغلاق ایدلکدن صکره ارککلر ناموسلرینی فضائل نسوانیه اسناد ایدیورلر ؛ حالبوکه چو جق ایکن بزی بیوتوب تربیه ایدن ، آدم اولدیغمز زمان بزه تلقین فکر ایدن اونلردر : بزی ابولکه ویا کوتولکه سوق ایدن والده محبتی اولدینی کبی عاقبتیزی قرار گیر ایلینده زوجه محبتدر . یسارین اونلرک تربیه سنه چالشمق کندی تربیه مزه چالشمق دیمکدر ، اونلره افکار عالیه و بر مک کندی احتراصات حسیسه منی بر ضربه ده محو ایتمکدر .

اونلر ایلوشدکجه بزمده قدرمزی آرتار، اونلر دخی بزى اصلاح ایتدکجه بالذات
دها بختیار اولورلر. »

« نهمه تن » ک روضویه، راهب فلوری به، فهلونه حصر ایتدیکی مبعثلردن
صکره ارنی برطرفه بیراقوبده کندمزه عاند حسب حاله رجوع ایده جک ایدم .
فقط هراوقوبیشده بر لذت دیگر طویدیغ بوایی جلدک اردن زیده کی صحیفه لری ده
قارلریمک انظار دقتنه وضع ایتکدن بر درلو واز کچه مدم . محتوی بولندیفی افکار
عالیه کسب اطلاع ایدیلنجه صایرم که معذور کوریلیم . حقیقت! والده محبتی
حیرت افزا بر نفوذ نظرله تدقیق ایتش اولان مؤلف مومی الهک بو حس علوی به
دار اولان مسرودات آتیه سی فصل مسکوت بر اقیله ییلور !

« بتون تمایلات دنیویه مز ذوقدن منبعثدر . یالکیز محبت مادرانه آغوش
اضطرابده طوغار ، بلوطارق ، دیر که : اوائل خلقتده ، برقادینک ، وضع حمل
آماندن صکره ، یرده ، قان ایچنده ، و ذی روح بر مخلوقدن زیاده درسی یوزلمش
بر حیوانه بکزه بن نوزادینی کوردیکی زمانکی حسیاتی تحیل ایدیکنز . شبهه سز
والده نوزاده سوق طبیعتله خلاص اولدینی برالم کی باقمش ، چوجق آناسی
ایچون هیچ بروجهله جازه دار اوله مامشدر . نه ظرافت اشکالی ، ونه ده خللوت
صداسی قادینک قلبی تهیز ایدمه مدیکی حالد هنوز اضطرابندن برلیه زک هنوز
قورقوسندن تره یه رک چوجنی ییقامش ، اوقشامش ، قوللری آره سینه آلمش
اثوابنه صارمش ، همه سینه یاقلاشدرمش ، کیجه کوندوز بلا آرام بوایشی تکرار
ایتمش ، مقابلنده ده ناله و فریاددن بشقه برشی کور مامشدر ! « ایدمی بلوطارق
بحق حیرت ایتدیکی اضطراب و فقرته غالب کلن بوقوت بر کسینک یاورورلری
حقنده کی شفقتی مثللو بر حس حیوانیدر .

بو حس قادینلرده فصل موجودایسه نباتانده ده ، بو جکلرده ده ، درت آیاقلی
حیوانلرده ده واردر . طبیعتک ممنوع التغیر بر قانونیدر .

دانه بی بسلیوب محافظه ایدن سود ایله خاوی حاضر لایان بوقانوندر ، دانه نک
طاغلر اوزرینه ، ویا برنهرک جریان ساکتانه سینه سوق اولنه جفته کوره اوکا ایاق .

یادکن ، آکنه ، قناد و زن ده ینه او قوتدر ...

دها مکمل مخلوقانده ، بوقوه ذکایه حسیات ایله تمیزج اولور ، اونلرک قدرتی آرتدیرر ، او مخلوقاته معرفت صنعت بخش ایدر . قوش ، اعتنا ایله کوزمهده چکی برشی حصوله کنیره چکی بیلمزدن اول یوواسنی نسج ایدر . یاورولرینک نزاکت وجودینی اوکرنمهدن اول ، یووانک ایچنی یوشاق توپرله دوشر ، صکره یورطه لری اوزرینه یاتار ، یعنی اک فعال بر مخلوق ، یورطه لریک ایچندن کندهینه مخلوقات چیه جفنی بیلمهدن ، هفته لرحه صفوق وحسدن عاری برقشر اوزرنده معطل قالیر ! [۱] نهایت یاورولر طوغنجه غدالرینی طاشیر ، دشمنلرینی دفع ایدر ، سونور ، اندیشه ایدر ، مایوس اولور .. اشته هپ بو حاللر مکافاتسز قاله جق . بوشفتت مادرانه مقابلنده هیچر شفقت فرزندانه کورلییه چک ! برکون یاورولر اوچوشمغه باشلایه جق ، فرداسی کونی اوچه جق ، نهایت غائب اولوب کیده جکلر .. حیوانلرده عاله یوقدر ، حقیقی انالق بابالق مفقوددر اونلر طبیعتک صله سیدر .

اشته بوکی مخلوقات ضعیف و قابلیتمسز اولدقلری ، دشمن ایچمنده ، عادتا میدان معرکده طوغدقلری حالده ینه امین بر محله طوغارلر . شفقت مادرانه اونلری محافظه ایدر . بصیرتکار برنوبیچی کی هر بشیکک باشمنده بکلر . فقط بر مخلوق منفردک ، برچارپانک ، برسینکک ، حق برچوجنکک محافظه سی ایچون دکل ! ...

محضا هر شیکک مرد اولوب فقط محو اولماسنی ، هر شیکک طوغوب فقط [باقی قالماسنی استلزام ایدن قانون طبیعتک انفاذ حکمی ایچون بکلر . کافه مخلوقاتک احتیاجانی ، و خشقی ، تخریباتی نه اولورسه اولسون ، موت نه یاپارسه یایسون ، شفقت مادرانه موجوداتی تجدید ایدرک موجودانه حاکم قالیر . شفقت مادرانه

[۱] دیتی ، ارکک ایکی سرجه اقوشی یورطه دن صنعی اوله رق تولید ودرحال هم برلرندن ومهد هم جنسلرندن تجرید ایداسه بیله ینه انالردن بابالردن اوکرنمش کی یووالرینی یاپوب قلوچه یه یاتارلر .

سایه سنده در که هر نبات دانه ده ، هر بوجک بمورطه ده ، هر حیوان یاور و سنده
 پایدار اولور . شفقت مادرانه هم حیانتک منبی هم ده قوه مخربه نك غایه حدودیدر .
 جای دقتدر که شفقت مادرانه هر حیوانده انحق محافظه جنسه مقتضی مدتجه دوام
 ایدر . یاورولرک آنا به احتیاجی قلمدینی آده آنا ، یاورلرینی ترك ایدر . بونجه
 فدا کارلغه ، بونجه محرومیت به باعث اولان او حس قوی و علوی بردنبره بر لاقیدی
 تام ایچنده سوز . صیاحلین یاور و سسنگ محافظه سی اغورینه دوکوش ایدن آنا
 اقشام اولنجه او یاوروینی طانییور . ذره جه داعی تأسف اولمق سزین ، ذره قدر
 خاطره بر اقق سزین وقوعه کن بومفارت مدید بر اعتیادک آناری کورلمکه
 باشلایان بر منتدارلغ بویه بر حالت الیه بی عیدم الامکان کوستره جکی بر زمان واقع
 اولیور . آهنگ جهانک بو قانون مضاعف شفقت و لاقیدی به باغلی اولدینی
 دوشونیلورسه بونک هج بر طرفه تحلی ایتدیکنه حیرت ایدیلور .

یالکنر شو قدر دوشونمیلدر که حیواناتک محبتی دائمی اولسه ایدی دنیاده
 نه بیوک بر قوه جدیده حصوله کلیر ، تخریب استمدادلی نه قدر آرتاردی .
 بر و اوایلای حرب قویار قومیز بر دیشینک اطرافنه بکرمی بطن طویلانیر ،
 عالمه لر اردو حالی آیر واردولر تخریبیدن بشقه برشی دوشونمزلردی . بو تخریباتی
 منع ایتک ، حیات ایله ممات آره سنده تأمین توازن ایلک ایچون حیوانلرده کی
 قیدسزلق کفایت ایتشدیر . بو قیدسزلقده یالکنر راستنا واردر که اوده قادین
 قلبنده در . شفقت مادرانه یالکنر قلب نسوانده پایداردر چونکه بوشفقت بر حس
 اخلاقدر بی نه ایدر . روحزه قناد ویرر بزی اعلا ایدر و عالمه لری ، ملتلی ،
 جمعیت بشریه بی بویه تشکیل ایلر .

بناء علیه اصل شفقت مادرانه ، محبت انسانیه حس حیوانینک فنیایاب اولدینی
 نقطه ده باشلار . مقصد منر چوجقلر حقنده کی اهتمام مادیه بی قیمتدن دوشورمک
 دکلدر . فقط قادینلر ایچه بیلمیلدرلر که - کسه سوبلمکه جسارت ایده مزسه
 نصل بیلسونلر؟ - طبیعتک قانون اخلاقیسنه کوره والده اوله بیلمک آنحق
 چوجقلرک روحی مرتبه کماله ایردرمکه چالشمنه متوقفدر . قادینلرک وظیفه سی

بر بوزینه ایکی آياقلى بر حيوان وجوده کتيرمکدن عبارت دکدر جمعيتک اونلردن ايستدیکي شى بر انسان کاملدر، بر انسان کاملکه مفتون بدایع کائنات اولسون، کنديسنه ايني بر رفيقه انتخابنه، چوجقلاينه حسيات عاليه تلقينه قادر وعندالحاجه فضيلت اغورينه فدای جانّه حاضر بولسون! شو تقدیرده قادينلرک ايکي وظيفه‌سی واردر. نته‌کيم انسانلرده ايکي کره طوغار: بری عالم حیاتّه کاشیدرکه بو هیچدر، دیگرى ايسه حق وانسانيق سومک دنياسنه وصولدرکه اصل تولد بودر. ايشته مادر چوجقلاينک فعل تنفس و هضمی کورمکدن غیری بر صورتده ذوقیاب اولقى ایستر ايسه اونلره بو ایکنجی تولیدی مدیوندر شکسیر بو فکری «قوریولان»ک والدهسنه شو صورتله تشریح ایستدر:

«قوریولانی طوغوردیغم کوندن زیاده انسانجه حرکت ایستدیکنی کوردیکم زمان سوندیم!» قوریولان دخی «بکاشان وشرقی سودیرن والدهمک بویوزدن طوبیدیغی حسن مسرتدر» دیوردی. نه‌عالی تقابل حسن!

محمد صالح

(مابعدی وار)

تربیه مسئله‌سی

۱

انکار ایدیلهمزکه، ارض اوزرنده موجود عضویاتک خصوصیه بونلرک اکلی اولان نوع بشرک یکانه مساعیسی «یاشامق» نقطه‌سنه معطوفدر؛ بوتون حرکات و محادلاتک بو دأره داخلنده دوران ایستدیکنی هرکون کوربیورز. ادوار ابتدایه‌ده پک بسیط اولان شرائط حیاتیّه بشر، تکامل تدریجی ایلّه توسع ایدهرک برطاقم یکی احتیاجات تولید ایلمش؛ رفاه و سعادتق اینچون بواحتیاجاتک دفعی لزومی حسن ایدن انسان محیطی تدقیقه موجوداتدن ایده‌ییلدیکنی استفاده‌یه کوره یاشامش ایدی. بطون متعاقبه‌نک بو تدقیقات سایه‌سنده جمع ایستدیکنی برطاقم معلومات تدوین اولونه‌رق، کتابلره یکدی. او زماندن بری بر صنف خلق